

مسرحية

المونودراما

"مايسترو"

"عن قصة ممثل"

تأليف

محمد عويس التركي

الديكور والوصف : يوجد كرسيين من الخشب
وبوف في وسط المسرح واقصي اليمين يوجد
البوف وفي الخلف وجهان من المسكات
البيضاء التي يخرج من عينيهم اضاءة المكان
كأنهم بؤرتين "يدخل الممثل غرفته مسرعا
ويتنهد بتلهف ثم يغلق الباب " بروي اصوات
الجمهور الغاضبين"يرتدي هذا الممثل ملابس
البروفة ويوجد بجانب الكرسي زجاجة من
الخمرة ..اعتاد علي الشرب منه وقت فشلة

اوقرتير :

الممثل ملقي علي الكراسي ونائم
يتقلب يمينا ويسارا ثم ينهض وهو نائم
ويتحرك في اتجاه اوراق موجود علي الارض
فيمسكة وهو نائم وينظر إليه وهو مغمض
العينين ثم تتوقف موسيقي الحلم

"موسيقي موت الملك تشبة الموسيقي

الأغريقية" فيقول

أيها الآله ابوللون

ثم يذهب في حيرة إلى المرأة وهي عبارة عن
برواز من الخشب مفتوح "أطار خشبي"

ها أية رايك كدا أحسن، أزود أدائي في الكلمة

الأولي... الكلمة اللي انا واخدها في

المسرحية بقولها بروح زي زمان ..طيب انت

مصدقاني ..نقطة أخيرة أحساسي

وصلك ..أسف اني بسأل كثير بس هما

هيشوفوني زي ما أنتي شيفاني ..تعرفي انا

بحب اقف قدامك كثير جدا ..بتحسسيني اني

بطل في نفسي بطل العرض المسرحي ..تصدق

كمان من كتر تعلقي بيكي بقيت بشوف

الجمهور من جواكي "صوت تحية الجمهور

تقييمك بيكون نفس تقييمهم للدور ..أختارتك ما

بينهم كلهم علشان تحكمي علي ..ياتري
هتسبيني أحكم علي نفسي ..ولا هي مغرورة
وهتفرق ما بينا ...هي لو جاتلي فرصة كبيرة
هنساكي ؟

بصي بصي هي يمكن دي الفرصة اللي كان
نفسي فيه موجودة في الشنطة..فيها كل
النصوص اللي مثلتها في حياتي ..جو الشنطة
دي . هو انا فعلا يمكن أنساكي ..اول دور
أخذته في حياتي "يتذكر الدور " مجنووون
*بريأكشن جنان *ذكراته وبحث واجتهدت
وفكرت ازاي ابقى مجنووون بس معرفتش
وقتها مكنتش فاهم ..الوقت بس لما فهمت
تأكدت اني مجنووون ...

#المجنون#

مين فينا حس بالمجنون ..ايوة انا المجنون
اللي عايش في نعيم وساييكم للجحيم ..شايف
الصح غلط والغلط صح ..اصلا مش
هتفرق .بتقلب علي حقي وأعارضة واروح

أشكي للي ظلمني ..لو فكرت تتكلم معايا
وتضايقتني هقتلك ..منا مجنون..ماشي دايم
بكلم نفسي ،عايش في كوكب تاني ودنيا تانية
حياتي غير حياتكم ،بني آدم شفاف متقدرش
تكذب علي ولاتاكل حقي والكل متشاف
ومتراقب ،وقت الفرح ببكي ووقت الحزن
بضحك ،كل ألواني باهتة بلون واحد ،عندي
مشاعر اكر من اي حد عاقل ، مش بعابركم
واقول عليكم عاقلين ..لان دا بنسبالي
جنان ..وانتم عادي تعايروني فتقولوا علي
مجنون ..كله شايف اللي هو عاوزة وعلي
مزاجة ..بس مش دي الحقيقة ..الحقيقة ان
العاقلين مجانين والمجانين هما أعظم
العاقلين ..ايوة الصح غلط والغلط صح
انا المجنوووووون
ثم يقع علي الأرض بعدما سقط من فوق
الكرسي

أستراحة قصيرة لمراجعتي للمنولوج مرة
أخري ..لحتساء كأسا من الخمر ..اين أنتي
أيتها الزجاجة الملعونة ..سأبحث عنك في كل
مكان حتي أجذك "يجدها في الشنطة ..نلت
منك أخيرا "فكس وهو يتحسر عندما رأي
النصوص قد ابتلت جميعا " كأسا من الخمر
قادرا علي ان ينسيني ما حدث ، كم أشتقت
إليكي "بحنان وحب" لا ما هذا الأداء
السئ ..لكن ما المانع ان أعيش سكيلا او
سكرانا

#السكير#

حياتي كلها غلط في غلط .. الأكتئاب ملازمي
ليل نهار ..عارف انى بظلم نفسي.. "ضاحكا
بسخرية من كلامه "

ازاي هعترض علي ظلمي لنفسي وأنا أصلا
فاسد .. "يتسيكب بحالته " بس هما السبب
في فسادى ..اتعلمت منهم الكذب والنصب
والنفاق والخيانة وأحترفتهم كرهت نفسي

شربت.. قولت أنسي، خدت من حياتي أجازة
بدون عودة وطلعت لنفسي تصريح دفن من
غير جثة، أخترت الخمرة تكون أنفاسي اللي
بتنفسها عمال ادور على نفسى جوه نفسى
مش لأقيها، تعبت ومرضت فعالجت نفسي
بعملية غيبوبة مؤقتة، أيوة هما السبب اني
بقيت الفاسد ..خلونى بقيت مقتنعق أن
السعادة في الكيف والي يختاره عقلي
الباطن .. "بتحسر"

لما فوقت في آخر لحظة وياريتني كنت مت
ولا عرفت الحقيقة المرة اني بحكم علي نفسي
بالأعدام بجلدي لذاتي بالندم والحسرة علي
خيانتني لنفسي ، بقتل نفسي بطريقتهم
المفضلة ..انتحار ، انتحار بدون اي مقدمات
لان التبرير مع الأسف للرجوع عن الزلات
حرام بحكم من القانون اللي بيهذب النفس
أخلاقيا وروحيا وجسديا ونفسيا وعقليا ..حاجه
واحدة وتنتهي كل آلامى.. الموت ...هقتل

نفسى بنفسى وهدفنها جو سجن كله تعذيب فى
تعذيب احتراماً لقانونى الخاص قانون
ساكسونيا اا ان تقتل نفسك بنفسك لكى تشعر
بالسعادة... "يشرب الخمر"... السعادة..

"بهذوء" تصدقنى كان نفسى اكون سعيد
ومكتفى بدورى الكلمة اللى بقولها فى العرض
دا انا لو كنت المخرج لزودت زى منا
عاوز 'لحققت لأى كومبارس احلامه وازوده
واظهرة يمكن هو كمان يحس بالسعادة ولا
البطل يااه على البطل دا بيزود ويقص زى ما
هو حبيب مبيهموش بقى مخرج ..مخرج ايه دا
الموخرج اوقات بيتمسك بيه وكأنه العرض
والكل فى الكل..... ياعم انت مالك انت
كومبارس يبقى تتكلم على الكومبارسات اللى
معاك..اخ..نسيت يعنى دا انت الكومبارس
الوحيد فى العرض..بس اقوليك انا حاسس انى
مخرج واياه يعنى ما كل اللى عايز حاجه
بيعملها ...واطلب تتول وخربش على الفانوس

فى بطوله وفلوس المخرج المارد هيققلك
احلامك ويعيشك سعيد فى ادوارك..نسيت ده
مارد يعنى جبروت وظلم لأدوار يعم انت مالك
هو يحقق بس .. على رأيك وبعدين ده حلم
يبقى نستنى لما نصحى من النوم ونبقى نصدق
انه حلم ...يلا هنبدا العرض المسرحى ..برجاء
من الساده الحضور غلق الهاتف المحمول
حتى يتثنى لنا بدأ العرض المسرحى مسرحيه
كومبارس افتح الستاره.....استوب فيكس
الكل يقف مكانه اقفل النور ... فى عطل فنى
الجمهور مش عاجبه اسم العرض ...يبقى نغير
اسم العرض يمكن

يتفهم " صراع الكومبارس علي البطولة
"فبتالي هنغير الحدث ونكبر الصراع ونزود
مؤثرات صوتية وطبعا السينوغرافيا هتتغير
هيفتل التوازن ويقلب العرض من الجد
للضحك اصبح خروج تام عن النص اتحول
النص لمسرحية هزلية عبثية من نوع مختلف

او متخلف بردوا مش عاجب الجمهور والكل
بيتسأل ازاي عرض مفهوش بطل واسمها
اصلا الكومبارس مش دا اللي بيظهر لحظة
ويمشي وننساه اومال فين البطل اللي بنعيش
معاه ونفتكره طول المسرحية

شوفتي حتي لما اتفرجت علي العرض مع
الجمهور رغم اني المخرج مكنش ليا اي ذكرى
ولادور كله عاوز البطل النجم كانت مرة
واحدة عملت فيه دور البطل ..راقبت البطل
كان بيأدية ازاي قمت سرقت منه الدور قولت
اجرب يمكن انفع فيه ...كانت حاجة جديدة عليا
طول حياتي مبعملش غير كومبارس كنت حافظ
ومتعود بعمل ايه ولما اخدت البطل كرهني
الكل يمكن علشان انا ثورت عالدور ذات نفسة
او كنت كاره لانه دور بطل هيأدية كومبارس
بيجربه ..احساس غريب ..

السيدات والسادة ..انا المتهم ايها الملك
والمثال أمامكم ..سيادة الملك المخرج وسيادة

البطل المنتج .. أقول لكما امرا
فلتسمعوه .. بالسلطة

#الملك#

نعم بالسلطة والقوة يستطيع الإنسان ان يتحكم
بعقول الجميع .. انا المخرج .. أسمعوا
قرارتي .. قررت ان اكون ملكا
عليكم .. "بضحك" لا داعي للتصفيق والتهتاف
"يتحول بغضب " فمن اليوم فصاعدا سنقتل
من كل واحد منكم ابنا او ابنة له .. حتي
نستطيع العيش بسلام مع هذه المجاعة .. ليتم
القبض علي الثوار ، الثأرون علي المخرج
يجب ان تقدموا لنا الهدايا والقرايين لطلب
العفو وصكوك الغفران لترضي عنكم
الآلهة .. لنقف جميعا يدا واحدة علي قلب ملكا
واحد ضحي بنفسه من أجلكم خوفا منه علي
حياتكم .. فعلي الجميع أن يضحي من أجل
البقاء والأستمرار وإلا فسنهلك ونموت
الفرمان الثاني الحب ممنوع والزواج ممنوع

إلا لأبناء الملوك والذوات ...الذم ممنوع
والمدح مباح انجوا بأنفسكم فالطوفان قادم
ليموت من يموت وليحيي من يحيي فعددنا كثير
والطعام والماء لن يكفينا الفرمان الثالث
والأخير القتل مباح فمن يقتل أولا يعيش أولا
ومن يعيش أولا يعيش دائما هذه سنة الحياة هذه
هي سنة الحياة
*بصوت خافت *

"لنحيا ..لنعيش ..لنحيا..ان الملوك الظالمة
ارادوا الحرب معانا ..فخفت عليكم ..لنحيا..هذه
هي سنة الحياة "

مبتريديش علي لية للدرجاتي كرهتيني وتمثلي
بقي وحش ومصتت ..دي اول مرة متكونيش
مبسوطة مني انت المرة دي عندك حق وانا
ليه اتفرعن واحط نفسي في مكان مش
مكاني ..واعيش في دور الملك واخدع نفسي
اني بطل ولية اتجنن وامثل الدور باللغة
العربية هو انا ممثل عظيم وادخل مسرحية

نهايته مفتوحة واتوه جوها علي دور عمري
اللي عمري ما هلاقية واعمل فيه مخرج
واتحكم في العرض والممثلين وقت ما
احب...تعرفي انا بلاقي ايه بلاقي سراب
وحلمي دا اصلا كابوس ومشوش كمان ملوش
اي ملامح وانا كنت حقيقي معاكي ومعرفتش
أمثل انا واقف علي خشبة مصلوب عليه دايمًا
وواقف وبس ومتكتف ولساني مقطوع عن
الكلام وعاحز اني اقول دوري الكلمة اللي
مستني طول الفترة دي علشان اقوله بأحاساس
وروح ولما اجاي خلاص و هقول واتفاجئ
انها اصلا اتحذفت يوم العرض لانه هتعدي
وقت المسرحية ..سكران ومش داري باللي
بيحصلي لا انا زي ما بدات امثل في حياتي
لاول مرة مجنون وعاوز احقق حلمي .منا
كومبارس مليش اي لازمة ..تصدقني انا
عمري ما مثلت قدام الجمهور...اها تذكرت
كأسا واحدا مت الخمر قادرا علي ان ينسيني

ما حدث ..ايتها الزجاجة اللعينة "يرمية
بالازازة علي المرايا فتتكسر" مزيكا الفينال
يبكي وهو ينظر اليه كانه حبيبة التي ماتت
فيجن جنونه ويقوم بتلهف وتوهان
بصي "...".يبدأ بالغضب ممزوجا بالبكاء
بصي" علي انا بمثل ...كلميني انا هقول اهو
اخيرا هنطق بس اسمعيني زي كل
مرة..اناروحت ذاكرت الدوروجيت
تانيوجاهز ومش هخاف المرادي وهطلع
للجمهور وافضل واقف علي المسرح وهمثل
يمكن اعمل حاجة
تعجبكأضاعة ...مزيكا ...اوقرتير ..عرض
البطل يستني شارة الدخول من الكالوس
والكومبارس يدخل يقول كلمته ويخرج بسرعة
سيبدأ العرض المسرحي برجاء التزام الصمت
وغلق الهواتف المحمولة حتي يتثني لنا بدأ
العرض المسرحي ..".قصة ممثل "

سيبدأ العرض المسرحي برجاء التزام الصمت
والهدوء وغلق افواهكم المحمولة حتي ينتهي
لنا بدأ العرض المسرحي

قولت التزام الصمت

الصمت الصمت الص...مت

اوفر تير

عندما يكمل الراوي

وهنا اتجة المايسترو الي فريق العزف ليعزف
لنا السموفونية الأخيرة

قصة ممثل

عندما يثوور الكومبارس علي البطل يختل
التوازن فيتتحى العرض جانبا .. قصة ممثل
عندما يثور الحارس علي الملك يختل التوازن
فيتتحى الحكم جانبا

قصة ممثل عندما يثور الكومبارس علي البطل
يختل التوازن فيتتحي العرض جانباً .يقول
ثانية وهو منهار من البكاء عندما يثور

انا خلاص همثل اهوووو....بس انا مجرد
كومبارس

